

En memoria da Imelda Brugger-Derungs, naschida ils 18 da fevrer 1946 e morta ils 1 d'avrel 2011

La cara defuncta Imelda ei naschida ils 18 da fevrer 1946 a Surcasti en ina famiglia da purs sco secund da siat affons. Ella ei carschida si ensemes cun treis soras e treis frars. Las premissas per ina biala affonza ein stadas bunas. Ils temps gest suenter l'uiara era denton dirs. Il bab fageva il pur e viturin, duront biaras stads eis el staus ad alp e la mumma stueva far il fein persula cun lur affons. Beingleiti han ils affons era stuiu ir sut tier parents per segidar leu el puresser, fadigar la spisa ed ina pintga paga. Ella ha raquintau savens da quels temps e dil dir paun jester.

Suenter la scola secundara ha ella surviu en plirias plazzas sco cameriera e luvrau en cuschina. Naven da 1968 a Sedrun, nua che nus havein empriu d'enconuscher in l'auter. Igl onn 1970 havein nus festivau nozzas ed il medem onn havein baghegial il hotel Krüzli niev. Duront l'emprema stad ha Imelda menau l'ustria da Cungieri e l'entschatta december havein aviert il hotel. L'Imelda ei s'engaschada fetg, susteniu mei cun tutta forza e plascher da luvrar. Bugen luvrava ella el quiet, davos las culissas. Sper la gronda lavur da tener casa, ei la cuschina stada siu plaz da lavur preferiu. L'Imelda ei stada ina buna ,



spargnusa cuschiniera ed ustiera. Tut il pusseivel leva ella far per ils hosps mo era per la famiglia. Ils giavischs dils hosps enconuscheva ella, e quei aunc suenter onns.

Dasperas eis ella stada ina buna mumma da treis feglis, che han purtau ventira famigliara a nus. Sper la lavur d'ustiera ha ella fatg bien culs affons e cul mariu. Sia veta ei stada lavur e quitau per ils auters. Agens basegns ha ella adina supprimiu. Esser cheu per il proxim, aschia ha ella savens tralaschau ils agens basegns e cuiu pauc a sesezza. Sia cuntentientscha

ha ella anflau en la lavur. Per cletg ha ella aunc saviu guder ses dus biadis Valerio ed Irina che han levgiau bia uras ad ella e purtau grond plascher ils davos onns.

La mort ha spluntau memia baul e tut anetg. Ina mort anetga d'in car concarstgaun caschuna ina gronda

plaga el cor, che migliura plaun. Nus astgein seregurdar d'ina cara dunna, mumma e sperein sin in seveser en la pasch Divina

*Leci Brugger, Hubert,
Curdin e Severin cun famiglias*